

電影《九龍城寨之圍城》叫好叫座，幾位主角連日來不停宣傳造勢，希望票房更上一層樓。林峯坦言想原班人馬拍續集或另一齣全新電影，但就不想拍文藝片，因《九》片的班底拍動作片太出色，並笑言會Keep住郁保持「熱血」狀態，為拍新片做好準備。



「城寨三子」跟學生分享拍戲心得。

想《城寨》班底繼續合作

林峯Keep住熱血 唔想拍文藝片

林峯、胡子彤及張文傑昨日出席《九龍城寨之圍城》電影展覽會，與現場學生分享拍攝時的點滴。林峯表示最難忘跟任賢齊的對打戲，除了導致腳部韌帶斷了一半，試位時更叉錯腳從二樓跌落一樓，幸好有驚無險，跌低起身跑回上二樓繼續拍攝。對於新片的香港票房已衝破2,700萬元，張文傑笑言每日似睇股票行情：「見到導演嗰陣，佢都問我拍咗部咩戲呢？點會咁？自己都估唔到。」

問到可有信心破香港電影最高票房紀錄？林峯表示已盡本分，希望觀眾繼續支持，胡子彤則稱：「目標未必係票房，而係再開拍另一齣戲。」林峯即指要有更好票房，才有更大機會拍新片：「拍續集定係原班人馬開拍全新一齣戲，就交畀導演諗。我哋也都得，但如果拍文藝戲就太浪費班底，要Keep住郁，咁先熱血，動作片係香港特色之一。」林峯透露數日後舉行慶功宴，但要齊集演員非易事。胡子彤表示拍完戲後，因疫情關係仍未搞煞科宴，張文傑笑言：「唔好畀說話導演聽啦，我都耿耿於懷！」

不會取消跟觀眾互動

談到伍允龍日前出席謝票活動時遭狂迷偷襲，林峯笑言有取笑對方：「高手喎！我哋全部都有問候佢。呢次係意料之外，估唔到嘅，觀眾真係好投入，喺街度都叫我哋戲中嘅名。」問到日後再謝票時可會和觀眾保持距離，或取消互動環節？胡子彤表示跟觀眾互動是謝票的最佳方法：「經過伍允龍件事，相信各位演員會分外小心，亦會提高警覺，如果發覺有異樣，即刻同觀眾保持距離，現場司儀亦會照顧演員。」林峯笑言：「拍完《九龍城寨》，大家身手有番咁上下！」



■左起：張文傑、胡子彤與林峯影相鬥Chok。



■林峯認為動作片是香港特色。

劉佩玥提議馮盈盈 着三點式谷劇



■陳展鵬跪地扮向林夏薇求婚。

陳展鵬、林夏薇、馮盈盈與劉佩玥等昨日出席無綫劇《逆天奇案2》宣傳活動，盈盈以戲中的滑浪Look現身，大晒事業線、纖腰及長腿，成為全場焦點，劉佩玥提議盈盈穿三點式上陣，盈盈怕醜說：「我唔除得件外套，因為有啲部位冇搽潤膚膏，兩截色好肉酸！」談到性感上陣，盈盈大方表示：「配合劇情都OK嘅。」問劉佩玥若收視再升，會否向觀眾派福利？她笑言：「如果減肥成功，夏天着嚟影吓相都可以，依家努力緊，已經減咗好多，遲啲可能嚇大家一跳。」

提到盈盈前男友鍾文浩日前亮相無綫節目，她笑言：「依家我哋嘅工作範疇唔一樣，平時好少交集，所以我都唔知佢拍節目。（心急再拍拖？）唔會，我話咗兩年內唔諗呢樣嘢。」



■盈盈(右)性感上陣，劉佩玥甘拜下風。

杏兒孫儷再鬥演技

視后胡杏兒參演的內地劇集《惜花芷》日前播出大結局，她飾演的潑辣三夫人深受網民喜愛，封她為「古典夫人」。杏兒開心說：「呢個角色一開始幾潑辣，口硬心軟，觀眾鍾意我演呢類強勢嘅角色，其實我都鍾意演，有得同人鬧吓交嘛！」現時她同時接拍兩套劇集，分別是跟羅晉合演的《時差一萬公里》，以及跟孫儷演出的《三十九二十八》，是她與孫儷7年前合演《那年花開月正圓》後再次同框演出，兩位視后再一次鬥演技。



■杏兒(左)與孫儷出席新劇開鏡儀式。

Tyson買車送女友



■Tyson自爆有一部低調的座駕。

Tyson Yoshi前晚出席公開活動，提到其名貴跑車的拉花搶眼，早前將座駕泊在黃宗澤的食肆門外更引起途人注目，他表示也有一輛較低調的座駕，問到是否用作拍拖？他否認表示：「寧願同女友各自揸車，唔使成日接載佢。」Tyson自爆最近買了座駕給女友，但不是跟自己同款的名跑，事關要待女友的駕駛技術提升，才能一起揸情侶座駕。另外，提到好友林家熙與吳家忻分手後，他跟吳家忻都互相取消關注社交網，他說：「唔講啦，費事！（一世唔講？）係，一世都唔講。」